


清代起居注冊


國立故宮博物院珍藏



同治朝第三十六冊

清代起居注冊

國立故宮博物院珍藏



同治朝 第三十六冊

同治十年七月上……	一九八六九
同治十年七月下……	一九九〇九
同治十年八月上……	一九九五三
同治十年八月下……	一九九九五
同治十年九月上……	二〇〇三七
同治十年九月下……	二〇〇九三
同治十年十月上……	二〇一三五
同治十年十月下……	二〇一六七
同治十年十一月上……	二〇二一三
同治十年十一月下……	二〇二八九
同治十年十二月上……	二〇三四七
同治十年十二月下……	二〇四四五

清代起居注冊 — 同治朝

(清) 桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清) 桂清楊等奉敕撰

654.78
7436
72

NT \$ 86,000.00

清代起居注冊

同治朝第三十六冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號

保有版權・翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

72・12・0650

・89007193・

同治十年歲次辛未七月初一日己丑

上詣鍾粹宮

母后皇太后前請安

長春宮

聖母皇太后前請安

奉

母后皇太后

聖母皇太后章漱芳齋看戲侍午膳內閣奉

諭旨御史譚鈞培奏部選章程請酌量變通一摺
著吏部歸入御史余培軒條陳選法摺內一併
核議具奏又片奏截取道府請援照截取知縣
之例准其呈請分發等語著吏部一併議奏

是日

起居注官蘇勒布鍾寶華

初二日庚寅

上詣鍾粹宮

母后皇太后前請安

長春宮

聖母皇太后前請安內閣奉

諭旨朕叔祖惠端親王之子奉恩鎮國公奕詢在

上書房讀書有年持躬謹飭旋經派令在內廷

行走並管理中正殿事務俱能恪恭將事勤慎
有加前因患病疊經賞假調理方冀日就痊愈
恩眷長承遽聞溘逝悼惜實深著賞給陀羅經
被派孚郡王即日帶領侍衛十員代朕前往奠
醑加恩由廣儲司賞銀三千兩經理喪事所有
飾終典禮著各該衙門察例具奏又奉

諭旨此案著交李鴻章督同臬司親提人證卷宗

秉公嚴訊確情按律定擬具奏原告民婦戴李
氏該部照例解往備質是日吏部題內閣侍讀
學士員缺開列請

簡奉

諭旨楊書香補授內閣侍讀學士

是日

起居注官松淮徐致祥

初三日辛卯

上詣鍾粹宮

母后皇太后前請安

長春宮

聖母皇太后前請安是日太常寺題二十五日

仁宗睿皇帝忌辰祭

昌陵奉

諭旨遣載遷行禮

是日

起居注官奎潤林天齡

初四日壬辰

上詣鍾粹宮

母后皇太后前請安

長春宮

聖母皇太后前請安內閣奉

諭旨瑞常著授為文華殿大學士瑞麟著授為文

淵閣大學士又奉

諭旨余培軒奏軍流等犯藐法潛逃請飭查禁一

摺軍流徒罪及遞解回籍人犯理宜依法管解
勿任乘間逃脫乃近來地方官吏往往視為具
文致令前項人犯或中途疎脫或致配潛逃甚

至為匪滋事怙惡不悛殊屬不成事體著各直
省將軍督撫都統府尹嚴飭所屬遇有軍流徒
罪及遞解回籍人犯過境務當遴派幹役認真
管解儻有鬆刑賄縱情弊即將該管地方官嚴
行懲辦不得飾詞開脫其已至配所及到籍者
尤應嚴加管束毋任出外生事仍照定例隨時
按名點驗如有脫逃立即申報查拏並著步軍

統領衙門順天府五城一體稽查遇有此等人
犯潛逃來京即行拏交刑部懲辦以肅法紀又
奉

諭旨杜嘎爾奏擊賊獲勝出力陣亡各員弁懇請
獎卹一摺甘肅肅州賊匪於本年六月間竄踞
烏拉特旗所屬之布拉特地方經協領吉爾洪
額會同各營總整隊奮擊殲斃賊匪二百餘名

生擒十餘名奪獲駝隻馬匹器械甚多勦辦尚
屬奮勇協領吉爾洪額著賞給頭品頂帶扎奇
魯克齊巴奇瓦齊爾著交理藩院從優議敘副
管營總達密林等四員均著賞加副都統銜驍
騎校兼副叅領營總桑寨札布著以叅領儘先
即補佐領奈丹扎布著賞給綽勒歡巴圖魯名
號佐領委叅領伊勒和布著賞給霍欽巴圖魯

名號協領雙喜著賞換花翎以示鼓勵陣亡之
騎都尉委叅領德克登布著交部從優議卹餘
著照所議辦理該部知道單併發是日吏部題

內閣學士員缺開列請

簡奉

諭旨徐桐補授內閣學士兼禮部侍郎銜又題內
閣學士員缺開列請

簡奉

諭旨翁同龢補授內閣學士兼禮部侍郎銜又兵
部題正白旗委前鋒叅領伊勒通阿老病准
休可否賞給全俸奉

諭旨伊勒通阿曾經出兵打仗殺賊捉生受傷著
賞給全俸以養餘年

是日

起居注官烏拉喜崇阿楊慶麟

初五日癸巳

上詣鍾粹宮

母后皇太后前請安

長春宮

聖母皇太后前請安內閣奉

諭旨奕謨著管理中正殿事務又奉